

藝文志



前志誤述分體今以時代之前後編之詩歌之
傳會與夫不雅馴者稍澄汰焉續所及見非徒
點綴景色亦以資考覽也志藝文

誤述

重修天宮寺碑

元參知商 珽
政事

天宮寺在河間路之無棣縣西北隅左枕老烏
山之岡前面一河名曰鬲津迢遞而東西北濱
胡蘇古河二水交流不舍晝夜蹙為漣漪怒為

湖泮遠而望之如白馬銀山之狀其為龍宮秘
宇之所托也固宜相傳唐太和中有大比邱飛
錫而來徘徊顧瞻縛廬棲止於茲厥後漸成巨
刹樓閣崢嶸鏡魚互答於山光水色間一時龍
像固云盛矣金末干戈四起官署民居盡罹毀
壞寺亦不能以獨存金碧之區倏幻為瓦礫之
場荒烟野燐更互明滅使人有悽然之思清海
禪師自幼受經此地喟然嘆曰在我法中有為
無為皆為第一義諦起廢之任吾可不究心乎
其徒數十人懽然從之遠募四方近丐鄉閭

三年有奇由是採木於林攻石於山徵斃於陶
衆工雲集罔敢後時禪師躬程督匠幾忘寢食
遂卜厥日以告成功寶殿中峙邃堂後居傍挾
兩廊前敞三門以至鐘鼓樓閣之類罔不就緒
復播土肖佛菩薩暨護法金剛諸神像梵相巖
飭觀者生敬經始於至大三年四月訖工於四
年二月因具其爭狀來都下懇予求記予少與
禪師遊瀛棣間十年知禪師道行非常請詳記
之子聞大雄氏說法耆闍崛山有重閣講堂之
壯麗所以奠安其形軀庇覆其生徒初未聞其

露坐於日星風雨之下也世之昧者弗之察悉
諉諸興造爲人天有漏之因偃偃然曰吾志諸
內不驚諸外彼役志於事功者果何爲也哉殊
不知般若場中事理無碍內外渾融徧覆一切
不卽世間不離世間苟徒泥拘而墮斷滅之見
則違道遠矣今禪師耽悅禪味有所澄入熾然
建立無非佛事其知識過人殊甚予備著其事
勒諸堅珉庶可以戒世之馳驅空言者禪師名
德淨清海其號也周遊名山大川所至之處廢
無不舉今日之役其尤偉者也其徒則明

珠福海等行業皆有淵源可稱云

重修慶雲縣治記

明訓 高 祥 導

粵自封建之法既廢始郡縣天下縣必設官官以出治治必有所其來尚矣迨我國朝尤重守令其廳堂廨舍胥有定式頒行天下蓋縣令之秩封疆百里戶口萬餘為令者坐而聽治民有凍餒老幼疲癯而殘疾者甚眾及簿書期會訟牒委積莫不惟令之劑量而調停焉是令之為令其責重且勞矣不有堂舍何以竦具瞻何以節勞佚何以宣條教而撫瘡痍哉慶雲縣治初

慶雲縣志

卷十二 藝述

三

建於洪武六年楊君思義實為之迄今雨淋風駛圯壞不支望之壘壘若積薪然正統改元淇門王侯來宰是邑一見嘆息曰修廢舉墮有司職也傾圯如此責將誰諉乎搜羸捐廩庀材鳩工亟圖修之遂請於撫按部使諸公皆報曰可爰因舊址大加修葺頽者起之缺者補之卑陋者或廣擴之縣治中央為正堂五間前為儀門東西為吏房各五間又東為縣丞宅西為典史宅稍南為吏私舍共六十餘間正堂後為燕息堂三間又後為知縣宅一十餘間儀門之外為

大門三間東爲神廟西爲犴獄儲積有樓預備
有倉又共十二間崇卑廣狹悉遵定制落成之
日賓僚咸集哦松劉君等稱觴屬余記侯之績
余惟一興一廢者數之常而能興廢舉墜毅然
任重而不辭者非有出衆之才不能也慶雲之
有縣治迄今凡幾年矣慶雲縣治之做非自今
日而始然矣慶雲之牧是邑顧是做者又不知
其幾人矣率皆因陋就簡託以民力不贍而止
使天下皆若人則廢墜何時而興耶大抵庸庸
者無爲矯矯者有功侯非庸庸者流也是以能

鏡積習之做以成維新之功僻縣海邦一旦堂
宇巍峩靡廳繩直推是心坐而蒞政人有不儼
然望之而畏心生者否耶其發號施令布德行
仁將何所施而不可者自今伊始不但案無委
積庭無滯訟以成坐嘯之治而一邑之民凍者
餒者老者幼者疲癯殘疾者皆將飽撫字之仁
而樂農桑之化矣侯之功何其大哉請以是書
諸石庶不負我侯之功而後之蒞茲土者且知
警而承焉侯名恭由鄉貢進士筮仕今職仁心
仁政爲當道薦嘉今日之功其善政之一也

以紀之正統二年八月立石

重築濬城池記

明翰林 周洪謨 編修

慶雲縣在隋唐梁爲無棣縣周置保順軍俱隸滄州至入國朝洪武中始改爲慶雲舊有城池坍塌已甚惟遺址尙存邑民苦於無所障蔽每聞盜賊邊警輒遑遑不寧長是邑者亦有興念及此然又畏其勞民動衆欲作復止成化二年廷議凡郡縣無城池者有司宜擇農隙修築專遣憲臣奉璽書督之維時知縣事張君彪奉例創建河間太守賈公忠亦親歷其邑視之張侯

計日誓衆殫力興作相地形限程度役十一里之民經始於本年十月至明年八月而工成城在高水之北去古棣城五里許周迴四里高一丈五尺又浚池於下濶三丈深一丈洩水其中表立四門東曰瞻岱南曰觀瀾西曰拱宸北曰望海樓櫓睥睨悉如法由是崇墉屹屹深隍窅窅平曠之區一變爲金湯之固邑之士氓相與嗟嘆曰此等壯麗自有縣以來未之有也吾輩得遊息栖止於其中不其幸與相率謁鄉進士張君希達具其事來京徵余文書請石余聞大

易之訓曰王公設險以守其國孟子曰鑿斯池也築斯城也與民守之皆言守國以城池爲重也守令者分符一方民人境土賴以保全於此尤不可緩侯能知所重而重之是以巍巍之勢雄鎮東南真足以捍外衛內無負我聖天子設土保民之意况慶雲地界青齊燕趙間魚鹽米錯百物交通負販之徒日經其境城池保障又所急急者侯之有功於慶也豈淺鮮哉余又聞侯之爲政寬猛相濟仁義並行不特善良者知慕而奸悖者亦知所懲蓋得乎人和之本而不

慶雲縣志

卷十二

藝述

六

徒恃乎地利之末者矣以斯民守斯城且常有賢令如侯者撫治之有不足以屏翰王家永享太平之祚也耶侯由胄監來牧慶雲家山河南之磁州人維時贊是役者則縣丞張君志清亦預有力法得並書云成化四年六月立石

重修廟學碑記

劉 健

我國家聖祖神宗繼元而有天下以學校人材之本政化之原於是斟酌隆古以來制度沿革設學教人遍及海隅至於所以爲教之方則又

本先王修道之實故累朝頒降之典若大

若五經四書若性理五倫諸書皆二帝三王之
所以爲治孔曾思孟之所以爲教至論正脉之
所在而異說他道一切不經非聖之言不使少
接於心目其陶鑄人材化導生民之意可謂至
矣然百餘年來四方郡邑或宏才碩德先後傑
出或高科異等累歲不絕或連數邑之衆絃誦
之聲不聞此蓋一時分治教之責者有哲有愚
得人與不得之異爾慶雲爲縣隸河間府太宗
文皇帝肇建北京實爲畿內漸染聖化之深學
政人材視諸外郡固當有間然亦未能盡如祖

宗設學教人之盛意也縣學之建久矣老屋支
持不蔽風日師生講授於中者病之武昌唐君
瓚來知縣事始有廢墜之嘆僭縣丞韓君聰主
籌高君明興典隴君舉重修之業以成化丙申
秋經始功未就繼君丁外艱去越己亥冬東萊
朱君漢以名進士來知縣事因之益增飾工乃
訖自明倫堂東西齋以及師生廨舍皆煥然一
新又增修退省堂三楹爲師生燕息之所旣成
宋君等率官吏師生置酒落成僉謂宜有文以
記歲月訓導石州白君以書來予曰百工居肆

以成其事君子學以致其道蓋工不居肆則志
於異物而業不精君子不學則奪於外誘而志
不篤士固貴乎有學也然所以爲學之方豈可
苟焉而已哉我聖祖神宗作養之恩深矣大誥
之詔示經書之發明性理五倫之編集士之所
以修之身旂之家推之國與天下無一不具焉
今日司教化者講授於學果能必出乎此不遷
於異說不惑於他道涵育深而薰陶久必有宏
博之才碩大之士傑然由高科異等出以爲世
用者朝廷設學教人之實效於是乎乃見矣不

然雖日從事於學亦何益於天下國家哉曰君
嘗一見於京邸蓋謹飭之士也故因其請記並
以爲學之方告於縣告於學與其諸生共勉焉
成化十六年二月吉日立石

請增燒造工價疏

張問之

工部屯田清吏司郎中臣張問之謹奏爲營建
宮殿事臣近以營建宮殿奉勅前來南直隸蘇
州府等處督造二樣細料方輒伏觀勅諭一則
曰爾宜持廉秉公著寶幹辦不許虛應故事勞
民傷財二則曰仍須禁革奸弊約束下人勿得

科擾貽忠地方臣受命以來夙夜驚惕惟恐事
不稱職有負聖諭於今三年餘矣所幸兩次工
程俱悉完備筮在六月初四日發舟解運復命
待罪有日而一應燒造事宜積弊相承良法盡
廢其所以傷財勞民而患地方者請爲陛下陳
之夫難成者不可以易視費大者不可以小成
以今日之甄之畧言之其土也必取而運曬而
槌春以確研以磨篩以羅凡七轉而後成其泥
也必池以濾之由三級之甬過三級之羅且池
以晾之瓦以晞之弓以勒之腳以踏之手以揉

之凡六轉而後就以至坯之做也託之以板裝
之以範以兩人共擦之以石軸碾之以槌平之
端正日日翻轉之面面棚打之遮護之開晾之
凡八個月而始乾其入窯也修窯有費墊坯有
費發火也一月而糠草二月而片柴三月而顆
柴又四月十日而枝柴凡五個月而甌始出况
濶及二尺二寸一尺七寸復欲其完全端正聲
音清響色道純白故常取一而費四五夫何有
好名者出乃廢初法而定爲價然猶可也以好
相承爭相削減遂至於取民間所用之甌甌而

定爲今三錢二分二錢七分之價夫民間所用之孰視此幾十百倍可比而同之耶此前日燒造之民所以產盡人逃禍及親鄰而親鄰之禍又親鄰也故臣昨燒造命下而此等之民皆以望風逃去比臣旣至而親鄰亦莫可跟究矣其招復之難處置之難督責之難萬千難狀何者工程細密民貧價減陪費之繁有不止於身家十倍百倍之不及也且如蘇州一府燒造之民止於長洲一縣爲家六十有三其每名分甄不下三百餘塊如每塊陪銀止於七錢則每家分

外已陪銀二百十兩有餘矣臣雖今日得借撫按委曲完事要之不可以爲常也故臣不揣愚昧將一應燒造事宜逐一畫圖貼說總叙於後具本進呈奉瀆睿覽伏望皇上特勅該部從長計慮具擬上請定爲欵價使永爲遵守官民兩便緩急可憑國家幸甚生民幸甚臣不勝恐懼屬望之至爲此今將畫圖貼說開坐具本專差舍人周愷齋捧進呈謹具奏聞

重修廟學碑記

明教張 龍

學校之興廢其關於天下國家者爲甚重人材

之盛衰風俗之美惡政事之得失恒必由之
古帝王聖道致治莫不以是爲先務而守令之
賢者亦必加之意焉攷之經傳可見矣我皇明
自洪武二年平文而定卽詔天下郡邑皆立學
期於化民成俗以復先王之舊意乎亦矣天下
從奉休德百八十年治化之隆追躋古昔有由
然於處雲學自始建至今惟正統及成化間一
再修之舊制復舉陋弗稱歷年滋久顧可知矣
嘉靖甲辰冬賢菴李公以陳留名宦中州高薦
奉命來知縣事詣學謁聖廟見陋俗狀惻然以
爲已責亟欲新之顧邑方凋瘵諸凡叢委力未
可爲日亦不給卒嗟歎若成餘旣而政行務
舉登擢疏矣乃與吾一二僚屬及邑之士夫合
謀修學且捐俸資若干以爲衆倡衆皆樂從率
得金百五十兩曰是可以爲木枿矣餘當以
漑自辦無難者遂請於當道卜日戒事止役百
夫務閑而舉農興輒輟以爲常凡鑿石瓦甃工
以節廩之需皆約已節用以爲之所劑量輕重
次第舉之經始於丁未之冬歷己酉春而事畢
役雖久而民不以爲勞費雖多而民不知所出

蓋深得夫大易節以制度說以使民之義諸其
成功則崇臺危構畫棟丹楹有廟翼翼矣前之
樞星門中之戟門東西之兩廡外之周垣皆草
故闕新牖聖相輝與廟稱矣明倫有堂進德修
業有齋皆易其朽壤擴其規制足以容講習矣
庠門之卑陋也而高大之儀門之未有也而增
置之有以利出入矣傲隄傾圮之所一變而爲
壯麗宏肆之區蓋自有邑以來未之見也士衆
咸喜請記之寵辭不獲乃說之曰諸君知所以
修學乎夫學非宮室之謂也以吾人修德進業

其中而強名之也今夫門墻之不完棟宇之未
壯塗墍之不飭孰不曰有司責也苟完矣壯矣
飭矣有司之學修矣人將無我責者乎必禮義
廉耻以峻其門墻孝弟忠信以隆其棟宇威儀
文辭以美其塗墍而加之以日新然後謂之修
學學修則道成可以化風俗可以翼皇猷而有
司之興學者亦與有光朝廷作養之意庶幾不
負不然學自我廢雖華構連雲雕甍蔽日何所
取於學耶諸君其念之哉諸君其念之哉衆皆
唯唯遂記之李公名宋字承殷爲邑有憲政清

譽其他所建如城郭倉廩橋梁館舍之類未可
盡舉後當有名筆紀之茲不贅嘉靖二十九年
歲在庚戌六月吉旦立石

奉例均田記畧

明知 縣 杜 爵

伏覩均田事例頒行中外誠愛民之良法也予
嘉靖癸丑春授知慶雲至邑月餘見庶物廢弛
賦多不平所賒或地多糧少甚至有地無糧或
地少糧多甚至有糧無地隱漏者得以奸脫貧
難苦於共代於是遵奉欽依均田事例遂於三
十二年夏先令民各自從實開報又明年春復

令里直人役履畝丈量數比前雖增而隱漏之
弊猶多也於是年冬親丈其畝復定步弓用夫
引繩置立坵堆裁定牌櫛將縣城爲中邱沿城
四面爲入直五頃四十畝爲成數接續八坵魚
鱗而丈取千字文爲支分之紀從乾字號起丈
北面從艮字號起丈東面從巽字號起丈南面
從坤字號起丈西面自十一月朔至十二月終
計丈過共得地五千三百六十三頃九十九畝
四分五釐二毫矣畫以地圖區別三等應畝而
有則糧草馬跔分等均派視則而有定地賦既

均民無異辭中呈本府太守陳公批曰均地均糧任勞任怨是氣本官留心民瘼加惠地方餘地均平則贏額分數不失遺奸弊蠹不滋矣猶慮法久弊生復與眾議將均過地糧分里開載成賦勒石庶傳久難變故諸士大夫耆庶以所述付石工勒焉嘉靖丙辰十一月吉日立石

重修德安寺碑記

明吏部尚書 楊 巍

陽信有孫竟泉者吾友也與其弟小園皆尚佛氏一日小園偕德安寺僧悟通通吾桃花嶺小園謂悟通所住寺乃大齊武平年中建有白石

佛二尊今增塑十六羅漢像又新其殿宇助其功者幾百家聞公善人也求一言記之吾嘗謂方今天下賦役繁興吾民日受箠楚不能應上所求佛老二氏稍有意向輒助之以就其工上之於民曉諭諄切藐焉莫聽一聞二氏之念前卽願皈依此何以故也蓋古聖人之教民也勞來匡直輔翼振德如此其至務使得其本心以臻壽域當其時惟知有聖人雖有佛老無由以行其說迨至春秋戰國日相爭鬪視人命若草菅士大夫溺於富貴紛華之中若醉夢焉不醒

息富貴紛華之習日甚又無聖賢如孔孟者
救其間一旦聞佛氏慈悲之說老氏清靜之說
若在火宅得其門以出也若黑風飄船墮落鬼
國有物以負之而登岸也若服椒桂茶菹裂其
唇吻而得淩然之味也豈惟細民雖士君子亦
靡然從之誠有以合乎心而投所好矣故人但
知二氏之可從而自昧其本心但咎人之從乎
二氏而不知吾無以倡之也吾平日所論二氏
者如此今觀悟通一人乃能修殿宇塑衆像豈

非人之樂於捨施甚於箠楚者與豈非藐於上
之曉諭而依其念誦者與豈非以善而欲動人
心者與益幸吾所論有驗矣問其寺在慶雲陽
信兩境之間聞吾之言者或知善本在我士夫
夫復倡之以善去其爭競紛華之習使人之版
依不獨於彼而於此也吾所謂善者孝父母敬
長上睦鄰里勤稼穡如此而已矣悟通武定州
人俗姓李氏能解華嚴法華二經知韻學乃合
掌言曰善哉聞公之言和尚亦知所皈依矣因
次第其言爲記且質諸覓泉以吾言爲何如也

萬曆四年八月吉日立石

社學碑記

國朝知縣李興祖

粵自社學之制所以造就孤寒補敝起廢為國家教育人材之一途蓋亟亟乎不可緩也慶邑人文鬱秀甲於瀛郡負奇抱瑰多出貧窶昔有社學久遭兵燹頽廢無存今

聖天子右文敷治以興教化為首務余忝牧茲土職居師長寧忍膜視不舉棄其後髦於是商諸學博詳君司訓張君縣尉王君暨闔邑紳矜以社學之建教然身任創捐薄俸共助資糧鳩工具材相學宮之震位構講堂三楹門房一楹左右廊廡六楹自是孤寒伸志擔簦負笈朝吟夕誦不虞潛修無地訓迪無人將見人文蔚起殆必有邁於前代者矣康熙十五年八月吉日立石

慶雲縣志

卷十二

藝文

去

奉例均田碑記

李興祖

余既令慶之四年日勉脩厥職曠弛是懼丁巳奉有履畝清丈之行仰見我

正得以來於民生利弊諄切詳慎煌煌鉅典賦額由是以清徭役由是以定甚盛舉也查邑處政明嘉靖丙辰令茲土者後遷成都別駕社

奉例均田自爲碑記迄今百五十餘載矣相沿日久里書飛洒冊籍混淆或造冊作弊者有之或推收錯悞者有之或賣出九畝而開付十畝以少作多賣主留一畝無糧之產買主辦一畝無產之糧者有之大造一次必多一次之差訛推收一番更添一番之弊竇且其間孫承祖業子孫不知舛謬前冊無憑改正無論究之不可勝究且人亡事久歲易代更安能起九原而問之哉今畧去崖岸槩免已往嚴禁止以今丈爲始入冊輸糧倘復行欺隱方行科罰於是勒令

慶雲縣志

卷十二

誤述

七

自首單騎躬親履畝踏丈除實在貧窮有糧無地困苦無告者急還缺額復業外查出地二百一十六頃有奇繕冊申報載在全書是役也始於康熙十六年四月十五日經兩閱月乃竣厥事日行風日之下夜宿田野之間勞不敢辭怨亦聽焉柴世宗嘗夜讀書見元續均田圖慨然歎曰此致治之本也行王者之政其必始此矣然治人治法兩者相須行之而善息民而非以擾民清弊而非以滋弊余不敏殫精竭思庶幾上以紓

朝廷之謀下以悉閭閻之隱而已何多讓乎紳士者
庶請照例立石以垂永久因述其槩如此故記

重修臨津樓徵詩啟

府志借刻
蔣錫震

劉元宰

蓋聞輞水淪漣時載右丞之咏鏡湖上下不忘
賀監之吟雖亭作於智仙記傳太守郎閣崇於
帝子序藉書生若非重以如椽豈能藉以不朽
如直隸慶雲地濱海濠星次危分噓氣成雲邑
由斯而得慶環河作帶樓用是以臨津想季煎
之遺風幾經千載思伯禹之明德半屬九河若
鬲津若胡蘇若馬頰左旋右繞俱收指顧之中

慶雲縣志

卷十二

藝述

六

如落雁如卧龍如老鳥極委窮源盡塞咽喉之
隘棗城烟雨便是物華杏岸曉雲無非天寶况
蟠根仙李故唐之相業斯宏泊奕葉猗蘭有宋
之人文特盛他如修山深水一葦來蘇古渡寒
臯三橋通濟白雲綠渚徧題咏於前賢素壤黃
花留唵哦於後哲然而花飛草歇無盛不衰薪
盡燈傳有開還繼則臨津樓之重建自我

朝副憲薛公始也是樓斜道繡野直接迎薰較落星
之高去纜尺五規齊雲之麗極備萬千白水澄
鮮平谷遠瀨明霞炫彩迺映晴嵐喜出入之

龍層層狎浪羨浮沉於鴈鷺點點衝波翻八
皆遂其天然意四時益增其勝概神怡心曠何
妨把酒臨風海濶天空直可登高作賦嗟乎先
憂後樂當求古仁人之心繼長增高不負斯作
者之意懼竹樓之易朽覺足無聊笑黃鶴之難
龜終爲使氣苟遺身百尺何人之致偏豪更極
自一層若個之詩爲最所望鋪心繕口噓成異
彩繽紛鸞管龍文煥作天章爛漫或鉅公退食
還弄玉屑微塵抑名士揮毫不吝吉光片羽凭
欄長嘯賦就神宣刻極留題詩成夢得恭聆高

慶雲縣志

卷十

藝述

七

語看驚天上星辰佇聽朗吟散作人間珠玉

重建明倫堂碑記

知縣 鄧 岫

明倫堂之計其重矣哉植綱常彰明教修之於
身推之於家指之國與天下皆是道也聖人
學名以揭之地以律之有師儒以闡究之鉅典
煌煌萬古莫易已矣邑明倫堂不知廢自何年
大抵戶多凋敝歲有災祲各事竭廢扶傷不
遑學校是間以故荒烟零落爲茂草固無足
怪癸丑冬余奉委署篆謁聖廟慨然久之遂有
重建議明年春調署井陘事以不果乙卯余復

蒞茲土私心竊喜以修建明倫堂爲務不閱月而虫災告次丙及丁旱澇存至爲民謀朝夕鹿鹿風餐露宿中殆日不暇給豈非有欲爲之心無可爲之時處不得爲之勢耶雖然倫者主人之大綱也明倫者父母師長之職分也邑無是堂而聽其因循廢之則宰士者之責亦鄉士大夫之羞也於是商諸學博劍請薄俸一時紳士有飲水思源者亦莫不欣然樂助爰擇吉興建始於己未之夏歷秋杪而落成董其事者彭君顯世馬生永齡也是役也所費弗繁所闕實鉅

願列膠庠者先之以道德輔之以文章履其地思之義比閭族黨咸知倫道之大身體力行斯須勿懈是則余之所厚望若第以爲修舉廢墮而不知其所係在身與家國天下之重焉則將等諸尋常復名勝修古蹟之舉而豈余今日重建斯堂之志也與是爲記

重修慶雲縣學碑記

知府

金文淳

郡縣有文廟始自唐貞觀中而漢文翁治蜀嘗立學宮豈孔子及七十二賢像祀之率諸生講肄其中當以象其流行爲天下第一蓋化民成

俗未有舍聖人之教而能奏循良之績者也慶
雲本古無棣縣前明洪武初始析置邑令楊思
義移廟學於今縣之東南正德嘉靖萬厯間遞
加修葺規制始備厯年既久至

國朝康熙五年邑令李居一復重葺焉今又百年
矣雖殿宇巍然而櫺星額廢泮池淤圯照壁闕
門缺而未備歲在癸未予自襄國調守於津汪
君繡林以丞銜署茲邑謁廟之始卽慨然爲已
任捐俸若干金勸率紳士亦罔不踴躍者共得
白金四百兩有奇重建櫺星門三椽建東西兩

闕門圍以重垣中爲照壁戟門之壞者補之泮
池之圯者甃之正殿兩廡莫不虔加整治工未
竟而力已竭予行春至縣敬往瞻嚮乃益以公
費百金用觀厥成由是神厨供几階陛甬道文
昌魁星諸閣罔不堅茨甃甃丹堊煥然蓋首事
於仲春告竣於季夏邑之紳士無不欣欣喜色
相告慶文教之有成也夫慶之爲地分古邑之
半僻近海濱土窪斥而民貧瘠故自有明以來
屢修而屢壞者殆亦物力之艱也今在君一呼
而衆士畢應鳩工庀材實堅且好其政令之

行又可知也且汪君用貲出仕不由科目而能
亟亟然務其大本急其先務使一邑之人羣知
趨風慕義樂聖人之教而觀王道之成是尤有
足多者余樂得而記之汪君名喬年安徽六安
人襄之者教諭秦其昭東安縣舉人督工者邑
孝廉劉煥例得並書

紀恩碑記

直隸
總督方觀承

慶雲爲津郡屬邑僻處海濱厥土鹵瘠乾隆八
九年畿南仍歲旱災而慶尤重余時偕陶公正
中董賑事數數過其境輒蒿目而傷心焉仰頌

慶雲縣志

卷十二

藝述

五

我

皇上如天之仁拯救多方悉破常格前後賑米幾三十
萬復以茲地商販罕至輸河南大名之糧以贍
者至再於是人慶更生流亡稍稍安集矣然而
未有長策也越明年大興水利疏邑之馬頰河
及其上游鹽山之宣惠河以蓄霖潦又明年

俞欽使尙書劉公請大發帑金開井泉給牛力並導
以種樹之利會余備官藩司率守令悉心區畫
相其土泉之宜度其溉引之便均其服耕之候
謹其培護之方而又爲之檢登耗察勤惰期百

實效以上承

德意凡官爲穿井一千二百五十給牛五百四十有
六種樹三萬費帑一萬三千九百兩是年又奉
旨免慶雲額賦十分之三永著爲令於戲

恩何渥也後數年余膺節制嘗因勘河之役往來於
此見夫邱墟烟樹蔚然成陰輶轡相聞蹄趾交
錯抱甕扶犁者行歌隴畔不復知有昔年饑旱
荒寒之象蓋

聖天子至德鴻厯淪肌浹髓感人心而成風俗宜其
轉移之效若斯神速已今年春邑之耆老因其

慶雲縣志

卷十二

藝述

七

令李君蔭椿來請訓藝者歲偶暇

朝廷傾廩藏以活我復又資我井養助我力耕毓我
材用薄我稅歛二十年來室家保聚衣食晏如
緩急無患吾儕身被之猶能蹈舞言之恐後世
子孫食其福而忘所自也敢丐文勒石以垂不
朽余嘉其誠且親見其人之瀕於溝壑而遂得
生養以至今日也爲之雪涕而告曰爾知

帝德之不可忘乎爾有井勤浚治之爾有牛益養息
之爾有樹木時封殖之且賦已減矣輸將宜輕
也老幼有養矣禮教宜勉也爾其率子弟力田

孝弟以上答

天庥而爲之長吏者視民如家舉凡良法所在設誠而致行之非直瘠士爲腴必且豐年屢慶於以被

鴻惠於無窮流膏澤於萬禩豈不休哉用是敬紀其本末勒之學宮俾士民有所觀感且以諭後之官斯士者

新建義學記

知縣 白貽遠

我

國家崇雋重道凡內外郡邑皆立有書院義學以期化民成俗尊賢育才於時俊彥鴻儒藹藹濟濟先後蔚起或闡揚理學或高擢選科下逮里巷鄉曲亦莫不人敦禮讓戶習絃歌菁莪棧樸之化超邁千古此立學之效之甚大且遠而分治教之責者之所宜亟講也丁亥春余恭膺

慶雲縣志

卷十二

藝述

書

簡命奉乏斯土爾下車卽詢之父老求所謂義學故址懸久領圯興廢始末已不可考時卽慨然以修復爲已任顧以災歉頻仍撫恤方殷諸務叢脞未遑也數年來壅滯稍疏乃與一二僚屬及邑之士大夫僉謀修舉且捐俸資以爲衆倡衆

亦莫不樂輸共得金若干乃庀材鳩工改上階地於黌宮之東偏既近奎光又遠塵市爰先建講堂三楹以植其基凡羣房門墻漸次增修又慮修膏無出於檢校簿書之際得地三頃八畝內腴地若干召佃認種通計得租價銀五十兩以其四爲師生薪水之資以其一爲隨時修補之費越三載厥工旣就余方幸歲事之易而邑之士大夫亦共樂創建之有成而又慮其久而或湮也咸請余記之余惟夫學校者風化之所由關也義學者人才之所自出也學立而本端

本端而化行化行而俗美而又藏修有其地資用可常繼自能不遷於兵物不惑於他岐涵育薰陶日就月將必有瑰琦之彥傑出之英奮發青雲以接踵而興聞風而起者則此舉非一時之計而實闔邑千百世無窮之計也顧余念之昔人有言蘧伯玉耻獨爲君子斯義學之建余雖初創其基而尙慮不克保其終至於修而葺之擴而充之俾已成之工已獲之地勿爲豪猾侵占勿爲風雨漂搖振興栽培匡直輔翼宏開絳帳廣聚生徒改義學爲書院繩繩繼繼永久

第...是...於...之...土...非...
於其...表序...而...之...

詩歌

晚泊無棣溝

唐 劉長卿

無棣何年邑長城作楚關河通星宿海雲近馬谷山
僧寺白雲外人家綠澗間晚來潮正滿處處落帆還

有懷無柰李端似三首

宋 王從之

幼歲求真契中年得偉人傾懷當一面投分許終身
燈火談元夜鶯花逐勝春何時重一笑胸次欲生塵
面目三年隔音傳萬里遙宦途俱蹭蹬人事各蕭條
志大謀常拙身孤道亦消本無當世用隱處會相招
高氣傾天下高情到古今啣盃曼卿放下筆老坡神

慶雲縣志

卷十一

詩歌

七

時論誰優劣人材自屈伸窮愁須理遣不必淚沾巾

送李端叔從辟中朝

秦觀

風雲朝風聲我聞獨寬懷豈不知凜冽為自中山來
端叔天下士淹留蹇無成去從中山辟良亦慰平生
與君英妙時俠氣上參天孰云行字百身世各茫然
當時兒戲念今日已灰死著書如結箴聊以忘憂耳
驅車過盡淮海歸無期功名良獨難雖成定笑
念君遠行役中夜憂反側攬衣起成章贈以當馬箠

真味堂

李之純

真味若為傳不着鹽梅也自全齋轉入大壺

指麴車公子漫流涎胸中已有五千卷嶽外更聽三
兩絃此老清饒何所嗜宦途嚼蠟已多年

卽景

陸游

齊州山水寫登眺有佳處秋葉海東船春齊扁灘樹

登古河隄

元薩都刺

迢迢古河隄隱隱若城勢古來黃河流而今作耕地
都邑變通津滄海化爲塵隄長燕麥秀不見築隄人

無棣道中

吳萊

荒亭沽酒壯心違日極東南霧雨微百里齊封滄海
接千年禹跡濁河非暗塵掉馬呈金轡衰草看羊着

慶雲縣志

卷十二

詩歌

庚

錦衣猶記上元鳴鼓夜滿船燈火越歌歸

送講僧靜明復住持天宮寺

明陶安

靜明復毓秀乎儒族胡乃膜拜緇其服終日繙經坐

空谷君不見龍飛鳳舞下天目烟草淒涼渺平陸江

南玉樹寂無聲喜見曇花艷西竺月影相隨湖上宿

曉玩雲樓衆山緣苑鹿豨馴巖虎伏飯飽膏精蔭修

竹空外一聲清韻響寶床演法毫光燭蓮香飛出牙

齒問天雨滂沱散珠玉闢道天宮現人世蒼鷺回環

梵王屋一朝教省檄書來主領名山起幽獨釋子通

蜀大歡喜仰待雲間錫飛速從今禮師如禮佛丈室

天龍來眷屬但令宗設兩通融是佛場中一燈續

天宮寺鐘聲

唐太和賜額

貝春

寺額猶題舊賜名疎鐘昏曉度重城何年鼓鑄成
追蠶千教撞敲訝吼鯨應月欲來僧入定海天
趨程幾回孤館驚鄉夢疑是楓橋夜半聲

女牆夕照

層城壁立夕陽開映景渾如畫裏看
盡盡塵塵剛一抹迢迢城堞剩三竿
重門半掩僧歸寺警柝聲落客
駐鞍幾度登臨吟眺處寒鴉數點集林端

公館疎槐

慶雲縣志

卷十一

詩歌

五

原太僕寺印馬署也廳堂退寢墻壁穿廊砌
以甃石西臨梵院前俯碧灣玳瑁金椽琉璃
玉照風響簷鈴月移松影有古槐數株大十
圍古幹離奇凌逼雲漢夏月炎暑清風自生
館地絕勝

公館深沉日正長扶疎高樹漸成行
葉當亭午陰陰綠花着風薰穗穗黃
不為途人長庇蔭雅宜天使暫
徜徉未須槐市栽培編六月屯雲也自涼

宿天宮寺

陽信劉世偉

落日招提靜冬深法界幽僧來獻茶果客為解貂裘

五行車安在三明氣欲留時聞有杯渡錫杖一牙仙
過古黃河 盧 雍

蒼茫沙草接天低不見黃河見古堤
九曲西來經此界一從南徙遂成蹊
懷襄當日功思禹汜濫頻年患
在齊燔壁沉牛成底事空傳金帛委塗泥

胡蘇烟草

景州 陳 璉

河流分九派疎鑿自神禹胡蘇乃其一
久湮積沙土今看成桑田已可種稷黍
獨憐芳草生萋萋暗陰雨
送張憲長歸慶雲 王元正

嗟君向黑頭廊廟可立致胡挂獬豸冠
而歛珊瑚器

慶雲縣志 卷十二 詩歌 三

故棹東海東欲求丹砂餌三息咫尺問窟
有十州記倘逢浮邱翁殷勤道予意
壽精飯可餐一簞遠煩寄

檢災題壁

姚繼先

幾番走馬踏荒來入目傷心一
哀點地柳花等似雪
越天雲氣反成霾破村人去無烟火膏土誰耕盡
草萊為 寄廟堂憂國者慢將兩稅苦相催

過似權營

趙無咎

野雲深處是誰家臺榭巍巍映碧霞
匹馬南來同倦鳥不妨尊酒醉天涯

過黃花村

鹽山 楊文卿 鷗海

海上青山挂落霞征車漸近野人家偶然過眼驚黃
色十里風吹苦蕒花

挂甲舊壘

楊粹夫

淮陰曾建定齊勳此地猶傳昔駐軍貝冑懸時光映
漢鍔衣挂處冷屯雲長川尚識旌旗影廢壘已無刁
斗聞回首天涯無限恨寒鴉棲盡暮林暝

簡水漁舟

楊州鶴

長河東去浩無涯秋後潛鱗味轉奢滿棹月明漁父
至一川風細釣船斜解衣沽酒歌桃葉乞火烹魚烘
葦花惟有山樵與牧子時來相對話鷗沙

慶雲縣志

卷十二

詩歌

三

咏板橋營

一簇人烟小小城人傳昔日板爲營乾坤倏起鷓鴣張
釁閭里俄成烏聚兵壁壘千門排羽衛龜絲萬隊肅
軍聲至今民樂耕桑業猶覩劍輝五夜明

四橋水月

山梁斷續近山城流水迢迢秋月明寶鑑乍從天外
落冰輪初向海頭生溶溶深浸瑤臺冷脉脉微涵桂
屑清倚遍畫欄遙望處水晶宮裏素娥行

高津散步

散步高津上遶林一聽鶯晚霞連岸鎖春草破泥生

小淺魚吹浪沙深鷺作聲蕭然漁唱起幽興許誰
咏高津河

灣灣清浪碧天浮日夜潺湲繞郭流風送遊鱗潛行
底月將宿鷺過橋頭一聲水笛銀河靜兩岸漁歌花
縣秋不信飛仙隔弱水人間亦自有瀛洲

登長城嶺望頰河灘

一上荒城眼界賒寒雲衰草浩無涯河邊水落羣灘
小天外風高一雁斜紅城野棠驚落葉白殘楮葉正
飛花明時却喜無他事日向烟波理釣槎

夜熱觀湖樓

慶雲縣志 卷十二 詩歌 三
地迴樓空水氣涼斗杓插地夜初央古今不改山州
秀宇宙能容我輩狂四座烟霞侵袂履一天星丹印
文章廣寒此去無多地便欲乘梯到上方

地藏寺

坐久空門興倍清沉沉法鼓雨三聲老槐嫩子翻新
雨菴麥開花趣晚晴邂逅偶聞松下語依稀不似世
間情從今我欲閑來往惠遠無勞遠送迎

過無棣古城

不見當年丁令威纍纍高郭帶斜暉春深廢堞歎狐
走秋暮平壕野雉飛百畝桑田更舊主幾家村落幾

新屏西風禾黍郊原外多少寒鴉換

登永定樓

芒履重登永定樓賢才相伴醉金甌烏山秀發千水
曉甯水環流一派秋碧樹枝頭巢好鳥白沙洲上下
聞鷗自從那日凭欄後春滿襟懷洗舊愁

以上舊志

爵岸古樹

國朝

盧元培

半畝清陰俯碧川滄桑歷盡勢參天繁枝自抱風雲
色貞幹寧辭冰雪緣高士結廬容嘯傲將軍屏坐寄
流連聯珠而後知盈篋絕勝南華第一篇

無棣城

胡惟一 貞生

慶雲縣志

卷十二

詩歌

三

無棣荒城何處尋兒童指引到河陰霸圖無改山川
舊劫火俄驚草樹深點點寒鴉歸暮堞行行野鷺起
秋霖人間多少繁華夢瘦馬斜陽太不禁

石佛古寺

百寶光明照水瀕法輪東轉說前因曹溪自有諸天
路塵劫忽逢不壞身精聚龍華荒歲月錫飛鶴麓喜
嶙峋而今存石王居士我欲蒲團一問津

卧龍岡

一聲破壁向天門神物泥塗怪此存莫是河流防蟻
成岡勢鎮鯨吞風吹萍葉甲鱗動浪湧龍

霧屯休笑埋頭盤古臥時來霖雨滿乾坤

南阜遺筆

冰心鏡面鬼神驚抗疏江陵想大名攬轡何年來古
刹傳燈三教徹疑城龍蛇猶帶風霜氣宇宙高懸星
日明最是漢庭疎賈誼塵揮白鹿了平生

王比部祠

椎來博浪日邊寒想像明公幾墮冠欲爲朝廷扶國
本敢將心膽脫神奸青宮無恙孤忠盡白馬誰辭璫
禍難贏得桐鄉還愛惜荒祠片碣淚漫漫

通橋春霽

陳士雅

慶雲縣志

卷十二

詩歌

三

宿雨微銷郭外塵通橋花柳不勝春漫言二水經流
遠試看長天霽景新當麓遊絲縈古刹隔林啼鳥喚
行人風光堪醉還堪咏巖壑非甘慕隱淪

邑侯李公巡鄉

臘殘無事早衙清下令巡行父老迎一路旌旗人盡
望東風初動海雲平

遊慶城寄青園

趙澄

近市園能曠清蹲對野烟鳥吟松石裏人醉水雲邊
溪靜魚同樂沙閒鷗欲眠蘭亭千古事幽賞企高賢
起頻移席歌清興轉新松聲飄水檻月影度花前

詞賦入空老江山我輩真與靈華涼午夜

陳瀛海曹南大捷四首

侯恂

肅清氣祲是何年梁苑重城漢壘懸英畧已知潛九
地膚功應見勒中天

關外雄圖更總師新從細柳見威儀深宮近說恩頗
牧會傍山河勒誓辭

詩書元帥新開府弓矢前驅舊送輪一自冠軍摧陷
後兩河共作太平人

將軍開晏賦彤弓夏屋綺筵湛露風海甸無虞傳盛
事千秋長劍倚崆峒

慶雲縣志

卷十二

詩歌

雲

微雨登慶邑南城

鹽山趙一炯鶴齋

紙帳東來近海天選遊披雨到城顛雲翻橋面驚龍
鬪坡枕河腰認虎眠高水漲分銀漢遠鳥山各並玉
峯懸乾坤多少狂吟客千古登臨興未偏

雨後同友人再登慶城眺津河

每逢雨過便登高滾滾河流作海濤樹老槎枒依古
岸霞明蕩漾撼城臯憐他亂渡人聲咽助老狂呼詩
興何處神仙吹鐵笛龍吟水底傲吾曹

慶雲八景

劉元宰

畫意展雲端此地猶然入大觀掩映荒城暮

賈氏劉志孟妻二十五歲

歲卒

王

慶雲縣志

卷十二

裏淋淋蓑牧賣盤桓

東城烟雨

遶城濤色捲層樓縱我閒情任去留貪釣却忘歸棹

晚瀟河星斗架漁舟

瀟河夜泊

萬里奔濤擁巨流翻身一轉枕河洲霞光蕩漾龍鱗

見紫氣峻嶒日影浮

龍崗晴嵐

說向此灘雁已征好將閒意會漁情乾坤幾處逼人

老獨占沙洲送數聲

雁灘漁歌

古刹疎鐘向曉催聲聲敲斷苦塵埃等閒聽到無心

處寂寞繁華兩不猜

東嶽晨鐘

糝糊山氣暗城標帶月梅花雲外飄一曲幽歌吹不

慶雲縣志

卷十二

詩歌

美

住發人清况夢魂消

西山暮笛

隔岸深林染絳紗烏鴉散盡賦朝霞遊人多少翩翩

與微惱春雲遮杏花

杏岸曉雲

蕩漾清光徹夜明環波載酒足陶情千年愛月青蓮

癖春到廣寒與未平

月沾春漲

總題八景

崔允貞

輕烟微雨榭城紛春陰月沾生縠紋夜靜高河橫野

渡曉封杏岸障浮雲鐘敲東嶽晨光爛笛弄西山日

暮聞雁和漁歌聲亂處會看岡上見龍雲

八景詩次劉韻

薛柱斗

蒼江古樹倚雲端無城邊駐馬觀聞得漁樵笑
侶綠楊深處好盤桓嶽城烟雨

漁火三更照成樓笑笑婦子且淹留來朝若得無風
雨不到桃源不繫舟高河夜泊

浪說滎陽第一流而今勝跡屬瀛洲鱗光日映金干
點昔卧今飛瑞色浮龍崗晴嵐

金風浙瀝雁初征中澤猶存樂土情只為衡陽魂欲
斷相依荻畔和漁聲雁灘漁歌

東嶽晨鐘鎮日催岱雲深處絕塵埃陰陽禍福因心
造說與吾民莫浪猜東嶽晨鐘

慶雲縣志

卷十二

詩歌

七

西山落日映霞標絳葉淒淒林外飄蚤是秋聲聽不
盡無端短笛客魂消西山暮笛

二月蠶工六月紗晚邀明月早餐霞看雲歎畝翻將

還不管黃鸝罵杏花

杏岸曉雲

水泛桃花月正明胡蘆河畔草含情遊人遠眺尋芳

處一幅春圖繪太平

月沽春漲

遊寄青園

陶岐

地僻園偏勝孤亭構北城菱橋遮柳影坐石靜蟬聲
以瑟音加亮擗尊興倍生主人情意重仙躅足高名

咏古柳

邑諸生鄧

詩八

疎黃嫩綠滿晴烟萬狀槎枒拂碧天
時有_一幾度春和帶霧眠漫道成園只替官
幾前宋玉自年
底忽驚彩鳳_{先一日李夫}琢篇
子自為_平及_平疑波湧

翠映亭

李權聖用

翠映亭幽幾樹森主人高卧日長吟
古來多少交遊客未解當年居易心
以

高津

李興祖

高津環遶棣城邊水涵誰道理鈞船
漫說中流曾鼓柁徒看古渡已揚鞭
决非事復籌今日疏鑿功猶記
昔年為憶九河名尚在不堪憑弔海為田

天宮寺

卷十二

詩歌

美

王比部

之榮祠

寺幽何處好緩步到天宮古木神鴉老
迴廊落日紅談經跡_自高嵩鐘磬時聞響
悠然萬慮空誰云遺愛止甘棠
薛萸殘碑立道傍一意劔奸甘就
修千秋崇祀永流芳老松長護清宮月
疎竹猶凝白簡霜多少遊人爭墜淚
居然羊祜在襄陽

仲秋城頭晚眺

瓜成四望極溟濛薄暮登臨興不窮
幾處寒風古雁落

日誰家長笛咽秋風
烟銷柳岸疎疎綠
霜變楓林慙慙紅
記得南樓邀月上一尊
曾與故人同

慶雲余舊治也軍車再至竹馬歡然因念疇昔

賦以志感

却憶分符始高津重來已歷數年春
試看滿路梨花
處猶是當年騎竹人
留戀晴郊棠尙在
行經麥隴雉
仍馴停車重訪論文友
次第相攀勸酒頻

寄題臨津樓二首

齊北燕南鎖要衝
名城無棣舊稱雄
地傳賜履開國
治蹟贖疏河念禹功
龍卧雲連岡口翠
蜃與日盪海

慶雲縣志

卷十二

詩歌

三

門紅憑高帝座通呼吸
只遜如椽賦筆工

瀛東下邑記鳴弦
彈指前塵二十餘年
樹以水花滿

郭一樓登處水平川
吟情每憶行驛外
客夢常牽落

雁邊見說新加輪
負美城南風物更堪傳

寄陳將軍二首

侯方域

朝宗

聞道乾坤更用兵
天南高卧倚長城

神京左臂能安枕
瀚海前年想繫纓

丙府何時賜錦袍
從軍不易建旌旄
天閑出塞龍堆

遠羌笛臨秋漢月高

簡河晚眺

陳良弼

橋頭一望暮天低
烟水茫茫國野迷
飛鳥翔空衛
日歸雲擁樹拂平堤
無舟不礙嚴光釣
有柱何勞司
馬題散步歸來秋色晚
空留明月照前溪

延陵臺弔古二首

長良翰 季宣

碧蘚猶餘血淚痕
幾曾金氣虎騰蹲
三號不盡千年恨
一坎徒傷萬里魂
蔓草縱橫空白露
麤麤吟嘯自黃昏
宣尼一過堪今古
地變天荒尙可論

一白翩翩上國遊
興亡人代幾悠悠
谷陵地變餘衰草
洞火燒殘有廢邱
吳苑繁華歸幻夢
棣郊寂寞已松楸
乾坤處處英雄窟
一眺荒臺萬古愁

慶雲縣志

卷十二

詩歌

早

郊行

蔣錫震

豈潛

微官羈絆總無聊
信馬閒行興自饒
花葯宜人來借履
鄰莊問酒去攜瓢
酣歌勃勃思橫槊
落日平原看射雕
詞賦未能供羽獵
此身豈合老漁樵

寄題臨津樓

儲在文

中子

樓迢遞俯河濤
檻外浮雲自古今
齊履舊傳無棣地
功惟見鬲河深
風生畫棟歸寒浦
烟滿璇題接杏林
何日披襟攜綠玉
月明陂上動清陰

鄧節婦詩

集唐

阮學浩

裴罔

鬼啼處夢初醒
舊事淒涼不可聽
南國斷釵雙鬢

白北邙化石萬峯青
慈雲護鶴迎鸞詔
愛日留春
鶴經湘女怨
弦愁不禁是誰翻
得雨淋鈴

鄧節婦詩

羅源漢 南川

明月如鏡有時缺
鳳翼雙飛有時折
慶雲發母檜栢
身地老天荒名不滅
青春矢志守空幃
誓比共姜腸寸裂
相從地下迴不難
爲有藐孤未忍央
明珠一顆天所佑
含泪撫摩氣嗚咽
烏啼鵲怨春復秋
食糜飲冰長苦烈
屏除膏沐調滫澠
孝養承顏寸衷竭
攜持黃口倚堂前
鶴髮含飴一忻悅
午夜和丸佐讀書
養威德器仁且哲
蜚聲譽序重璠璣
畫書詩各稱三絕

慶雲縣志

卷十二 詩歌

望

孫曾亦成雛
鳳凰封胡羯
末緇瓜瓞德門食
祿安可量不負九泉人
訣別頭盈雪
心似鐵
數十年來一腔血
君不見春官陳疏達
朝廷綽楔千秋表
芳節

口占贈慶雲胡聖與

十歲工
草書

王餘佑

五公
山人

曾道英才推謝尚
還看奇穎邁崔駟
鼠鬚迅掃冰鬢滑
不數鵝池妙入神

次慶雲作

方觀承

霧氣潮痕黯不收
孤城已盡海東頭
蓬茅十室寒常
禿禿終年飽
卽休井養有泉添
沃澤橋成無棗城

流憂民治歲臣何事

聖主恩深每預籌

為慶雲令甘怡題歲甘橋碑

慶邑大道界高津古河行人病涉甘

令集眾力成長橋請名於余余以慶非屢豐而令能用民力未易成此師曠占云歲欲甘甘草先生齊因命名歲甘橋即以寓令之姓氏俾長存焉

民事理如家長橋役匪奢官賢棠勿剪歲稔齊先花

載道歌行轍崇題紀斷沙拈毫愁腕弱為爾興能加

郊行

邑諸生

解培均

築岩

往日經行地重來認舊蹊草深嫌路窄水長覺橋低

陌裊風前沙村啼日午雞祇今回首處彷彿未全迷

慶雲縣志

卷十二

詩歌

望

頽河急岸述懷

邑諸生

王孫蘭

紫曉

白首水雲居孤高任所如雨荒三徑草日上半牀書

理丁年志渾忘丙穴魚兒曹應怪我底事棄耕漁

登慶雲奎樓

趙

麟

霽光

危樓俯看古黃河暮色蒼蒼接逝波冀野風烟同海

運齊州疆域共星羅雙橋影暗行人少一水春明宿

鷺多為問桃花三月雨白沙灘上幾漁蓑

龍岡晴嵐

吳士泓

中州曾識卧龍岡風景依稀各擅長既有雲霞屯渤

海無人物繼南陽晴光遠接千林翠嵐氣遙分

何如最喜編氓勤職業治安堪與說羲皇

東嶽晨鐘

中書張

升芬

惕然宿夢驚鐘聲出林樾君子性其心不待晨鐘發

丁卯九月宿尚家堂題壁

潘國詔 雲留

征車懸轆起勞塵北邁南徂似鴈臣萬木得秋多老
態重陽無雨亦愁人窮檐赤子關吾隱古壁青燈伴
此身領會任棠盂水意一官况味慣清貧

高河夜泊

高津河與海東連蕩槳城南夜泊船幾幅蒲帆收夕
照一聲漁鼓隔秋烟生來不受風塵浣到此重尋水

慶雲縣志

卷十二 詩歌

望

月緣相去桃源知遠近虛舟乘興任飄然

秋日登卧龍岡

振衣岡上勢峭巖俯瞰河流氣未平寂寞夜光淪蔓
草滄茫秋色暗長城南陽人往餘風古東海潮回曉
日晴歲旱若為霖雨用還應騰起潤蒼生

村居漫賦

劉廣恕 可亭

已作歸田計悠然物外情只憐還故我何必歎浮生
釀酒開新甕藏書有舊楹閒閒村舍好聊費小經營
幾載辭京洛村居亦有情時聽稚子讀閒閱野人耕
枕窗前卧斜陽陌上行隣翁偶相值稼圃話分

老烏山

張若峪

馬谷西來水一灣
駙山盡處是烏山
凭欄試看斜陽後
無數寒鴉接翅還

棣城烟雨

崔旭
曉林

昔時無棣縣
烟雨古城荒
春色寒青草
人家隱綠楊
冷雲空杳
鷺故址但蒼茫
水墨遙堪寫
憑誰畫擅場

高河夜泊

暝色孤城下
河流如此清
蒼黃人競渡
鴉軋夜聞聲
漁火依沙白
蘆花隔岸明
堤邊纔振舵
已打縣樓更

龍岡晴嵐

慶雲縣志

卷十二 詩歌

四

蜿蜒卧龍岡
坡陀水一方
河流通馬谷
嵐氣壓虹梁
早積烟深碧
沙晴日沒黃
誰懷經世業
早晚起南陽

雁灘漁歌

好是漁歌起
西風落雁灘
何人獨唱晚
幾處正驚寒
遠水秋聲接
荒蘆夕照殘
閒情堪領畧
擬把釣魚竿

東嶽晨鐘

鐃鞞鐘音發
晨光入望迷
清霜猶水外
殘月忽城西
響間征車鐸
聲連野店雞
古槐門尚閉
漸有曙鳥啼

西山暮笛

暮色蒼然至
西山望轉深
蕭條水鏡窟
縹緲有清音

遠客家千里微風月半林上方秋夜靜更聽水龍吟

杏岸曉雲

暮愁雲猶凍微寒杏著花一隄隔春水十里映朝霞
白舫乘陰宿青帘露影斜晨雞深樹裏時見酒人家

月沽春漲

滾滾桃花水月沽春淼茫三篙添雨色一鑑瀉天光
深沒魚標短晴飛柳絮香小船堪載酒興到廣寒長

題延陵臺

何人埋骨此荒臺爭說三號季子回論地幾同千里
遠傳疑已過百年來詩歌憑弔終多誤賢喆遺蹤未

慶雲縣志

卷十二

詩歌

星

忍猜大有豪華留古塚斷碑殘表不堪哀

鬲津竹枝詞

鬲津河畔水平沙無棣城邊草努芽城外春風河上
雨陰晴天氣杏開花

杏子青青棗葉長村中婦女試新粧馬車行疾牛車

緩齊上西山燒願香

野鳥聲聲嫂打婆耬田嫁樹河岸多棗每夏環樹剥皮指許則多實謂之嫁

樹事偏多河邊知有農桑樂不管征人早晚過

河水西通老虎倉河流東過卧龍岡岡前到海無冬

北風波道路長

衛河減水壩在德州北老虎倉

秋風吹雪木棉開
澄岸人家上集回
共說街頭無
賤大沽河口海船來

繡野亭荒落晚暉老
烏山上暮鴉飛
漁燈閃閃纔收網
一貫新魚換酒歸

河上秋林八月天
紅珠顆顆壓枝圓
長腰健婦提筐去
打棗竿長二十拳

登萊歸客此魂銷
麥餅豚肩酒一瓢
東嶽鐘敲城月落
征車早度歲甘橋

登萊書三府孔道

臨津樓上看花時
明月沾頭晚漲遲
水月有緣花滿

郭邑人解唱使君詩
邑令李公臨津樓詩有千樹栽來花滿郭潘公隔河詩有到此

慶雲縣志

卷十二

樂

重尋水月
緣之句